



**SICONDA SESSIONE URDINARIA DI U 2017**  
**RIUNIONE DI 21 E 22 SITTEMBRE**

**N° 2017/O2/051**

**DUMANDA URALE POSTA DA Mma Maria GUIDICELLI**  
**À NOME DI U GRUPPU « PRIMA A CORSICA »**

**OGETTU : STRATEGIA TERRITURIALE PÈ A FILERA LEGNU**

O Sgiò Presidente di u Cunsigliu Esecutivu,

L'isula nostra, a più chì hà legnu in u Mediterraneu, si gode tamanta risolsa di furesta di alta qualità cù in particolare una crescita à l'annu di un miglione di tonnellate.

Oghje ghjornu a filera legnu in Corsica sò 280 imprese è 800 impieghi. Vole si di issu spiccu quant'ellu hè di primura per via ch'ellu permetteria di creà parechje centunaie d'altri impieghi nantu à una decina d'anni

Durante a campagna di l'elezzione territoriale di u 2015, di a filera legnu ne aviate fattu non solu una vuluntà pulitica, ma ancu un puntellu maiò di sviluppu.

Era un affare da felicità si ne, ma novu ùn era chì, da u 2011, quelli prima di voi avianu fattu cù issa filera una scelta ecunomica strategica. Vi rimandaraghju s'ellu ci vole à l'articulu di l'Infurmature Corsu di u 2013, cun titulu «Legnu Corsu, la Renaissance».

Mi permettu di ramintà e tappe tocche da uu 2011 à 2014 :

- A strutturazione di l'Interprofessione (in u 2011) cù a creazione di a struttura LEGNU VIVU, presiduta da u Sgiò Bruneau, dirigente di l'impresa di custruzione, rurale è famigliale « Les Charpentiers de la Corse », chì a so sperienza dapoi u 1972 ùn ci hè più da fà ne a prova.

- U barattu di sperienze à l'occasione d'un spiazamentu ind'è l'Alpe trà eletti di ogni modu (Assemblea di Corsica, merri...) chì si hè cuntinuatatu di nuvembre di u 2014, incù l'Assise di u Legnu chì anu pigliatu attu di u pianu di rilancia di a filera, in quattru fase : valorizzazione di a risolsa, sviluppu di l'imprese, furmazione è cumunicazione.

Tenendu contu d'issu fundale solidu, ghjunti à e respunsabilità, di decembre di u 2015 deviate impuntà dà fà più rapida a dinamica ch'ella avianu mossu quelli prima di voi.

D'altronde aviate ammintatu un « pianu Marshall di legnu », cù un « sforzu finanziariu cum'è mai prima »...

È po in più, ci era stata l'Assemblea di Corsica ad avè aduttatu in a so seanza di u 30 di settembre di u 2016 «a strategia territoriale pè u sviluppu economicu di a filera furesta è legnu in Corsica » chì prumettia un avvene bellu stradatu.

Ma per disgrazia pare tuttu chì dapoi a demissione di quasi a totalità di u cunsigliu d'amministrazione di LEGNU VIVU, di decembre di u 2016, per mutivi chì ùn vogliu cumentà quì, a situazione d'issa filera saria da purtà penseri.

Oghje, o Sgiò Presidente, vistu l'impurtanza di stu cartulare chì ci eramu tantu appetati nantu, a mo dumanda hè questa quì :

- Duve ne simu, in modu chjaru, di u sviluppu d'issa filera chì ci aviate tanta primura durante l'ultime elezzione ? Ci pudete porghje elementi fattuali, sia in termini d'atti sia di tempi ?
- In u quattru di l'accumpagnà di l'imprese furesta-legnu, sò state fatte duie chjame à prugettu spiccate, a 1a inquantu l'investimenti di cavera in furesta, sichera, macinera è u 2ndu per « altri prugetti » quante candidature anu ricevutu i vostri servizii? Si puderanu riceve tutte quesse ?

À l'ultimu è per via ch'ellu hè lecitu chì i prufessionali ùn avessinu d dimarchjà l'agenze à una à una, chì hè u vostru parè inquantu à u numeru tamantu di quelli chì intervenenu, vene à dì l'ODARC, l'ADEC, l'AAUC... ?

È sopra à tuttu, quandu hà da esse effettivu quellu scagnu unicu ch'è vo aviate prumessu da permette a semplificazione amministrativa ?

À ringrazià vi.